



OFF-line tema

05 OFF - Line Tema - Zara Manucharyan (Sakral Taratsq) [www.onlineradio.am]



Share



Cookie policy
126

«OFF-LINE թեմա» — Չառա Մանուչարյան. «Սակրալ տարածք» (ցուցահանդես)

👤 Մարիաննա Պետրոսյան 🕒 28.04.2016 👁 49 Դիտումներ

Ապրիլի 20-ին ժամանակակից արվեստի թանգարանում տեղի ունեցավ Չառա Մանուչարյանի «Hierotopy» — «Սակրալ տարածք» խորագիրը կրող անհատական 7-րդ ցուցահանդեսը: Չառայի «Սակրալ տարածքներ» շարքը նրա հայկական «ես»-ի դրսևորումն է: Ցուցահանդեսին ներկայացված էին կոնցեպտուալ, վերացական ոճով կատարված 19 կտավներ, որոնք ստեղծում են հայկական շունչ հաղորդող միաստիկ տարածք: Յուրաքանչյուր կտավին երևում է նկարչուհու հայկական ինքնատիպությունը: Կտավներում ներկայացված են Սանահինի, Չվարթնոցի, Անիի տաճարները: Մի քանիսում՝ եկեղեցիների հատակագծեր, մյուսներում՝ դրանց ամբողջական կառույցներ ու

www.onlineradio.am

Թ Ե Մ Ա

OFFLINE

ՅԻՆՊԵՐՏՈՒ 15:00 (UTC+04:00)
Կրկ. 19:00 (UTC+04:00)
22:00 (UTC+04:00)

OnlineRadio.am
միջոտ հասանելի

«OFF-line քեմա»
www.onlineradio.am -ով
հեռարձակվող հաղորդաշար

Քո քեման «OFF-line»-ում

Չառա Մանուչարյան.
«Սակրալ տարածք»

Խաչքարերի դետալներ՝ որոշակի տարածության մեջ՝ սահմանելով անսահմանություն: Չառայի «Սակրալ տարածքներ» շարքում 40 անգամ տպված Է Գրիգոր Նարեկացու «Մատան Ողբերգութեան» գրքի ԼԱ գլխից հատված, և հերթականությամբ անցնելով կտավներով՝ կրկնում

ենք աղոթքը: Կոնցեպտուալ առումով Չառայի այս շարքը հիերոտոպիա է, որը հին հունարենից թարգմանաբար նշանակում է «սուրբ տարածք»: Հիերոտոպիան գեղարվեստական ստեղծագործության մի ձև է, որի եռությունը «սրբազան տարածության» կերպար ստեղծելն է: Այդ գաղափարն ու տերմինը մշակվել է 2001 թ.-ին ռուս արվեստաբան, պատմաբան և բյուզանդագետ Ալեքսեյ Լիդովի կողմից: Հիերոտոպիայում առաջնայինը ոչ թե առարկան է, այլ՝ տարածությունը: Չառայի կտավները միահյուսված են կապույտի ու դեղինի համադրությամբ: Դրանք ստեղծում են վառ գունային գամմաներ ու կանչող պատկերներ, որոնցում արտահայտված է նկարչուհու հույզերի ու զգացողությունների փոթորիկը: Հանդիսականների տպավորություններն ու

մեկնաբանությունները կտավների շուրջ տարբեր էին, բայց ինձ հետաքրքիր էր լսել հենց նկարչուհու մեկնաբանությունն իր ստեղծագործությունների մասին.

— Բու՛ն իդեան այն է, որ ուզում եմ ստեղծել «սակրալ տարածք», որովհետև ամեն մի կտավին նկարելուց ապամա դա էի ստեղծում: Կտորներից, գետերից, հայկական եկեղեցիներից, հատակագծերից, խաչքարերի ինչ-որ դետալներից, որոնք իմ մոտ ստեղծեցին ինչ-որ հայկական արխետիտներ, և այդ բոլոր սիմվոլները համախմբելով, այսպես ասած, ստեղծեցի իմ եկեղեցին: Ինչքանով է դա ստացվել` չգիտեմ: Երբ ես դա հագեցա, ստեղծվեց ընդհանուր գաղափարը` ամբողջ տարածքն ստեղծել որպես «սակրալ տարածք»: Իմաստը նրանում էր, որ յուրաքանչյուր մարդ, մտնելով այստեղ, զգա իր սրբազանը, իր հոգևորը: Կարող է մարդ չզգա` դա իր խնդիրն է, բայց իմ գաղափարը սա էր: Ինչքանով ինձ հաջողվեց` պարզ կլինի իմ կոլեգաների, ընկերների հետ խոսելիս:

Մեր զրույցում Չառա Մանուչարյանը շեշտեց, որ նկարիչը գույներ չի ընտրում, նկարչին հարազատ են բոլոր գույները.

— Նկարիչը հենց այնպես գույներ չի ընտրում` իրեն հարազատ են բոլոր գույները: Ուղղակի կան ինչ-որ տրամադրություններ, պահեր, երբ ինքն ընտրում է որոշակի

գամմա: Ես սկսեցի շատ քիչ, մինիմալիստ գույներից՝ կապույտներն ավելի շատ գերիշխող, որովհետև դա իմ մոտ էր, մոտ էր այս շրջանը, այս գույները, այս կտավներն ստեղծելու համար: Բայց հետաքրքիր է, որ երբ տեղափոխվեցի արտասահման՝ Բուլղարիա, շարունակեցի նկարել՝ գույներն ավելի գուլնեղ դարձան, ավելի հագեցված: Դա ակամա ստացվեց, ընտրովի չէ: Նկարչի մոտ ինքնաբերաբար է ստացվում՝ արարելը, նկարի վրա ստեղծելը շատ հետաքրքիր, միստիկ պահ է: Այդ պահը շատ դժվար է ասել՝ ինչու այսպես: Մաքսիմում կարող եմ ասել, որ կոմպոզիցիան և էսքիզն այսպես է արված, մտածված եղել, բայց թե ինչով դա կավարտվի՝ ոչ բոլորը գիտեն:

Այն հարցին, թե՞ սպասե՞նք հաջորդ ցուցահանդեսին, և կա՞ն, արդյոք, նոր գաղափարներ կամ սկսած գործեր, որոնց վրա աշխատում եք, նկարչուհին պատասխանեց.

— Դեռ ամփոփման մեջ եմ: Ցուցահանդեսի ոչ մի միտք դեռ չկա: Դեռ սա պետք է մարսեմ: Պարզ է, որ նկարիչը միշտ ինչ-որ մտքեր, իդեաներ ունի, բայց դա պետք է փայլատակվի, հասնի, հասունանա: Դեռ ուզում եմ սա մարսել, հասկանալ, սրա սրբազանն զգալ: Ցուցահանդեսը կտևի մեկ ամիս՝ մինչև մայիսի 15-ը: Այնպես, որ կարծում եմ՝ դեռ շատ մարդիկ կգան-կգնան, և ինչ-որ բան արդեն պարզ կլինի: Շատ մեծ տպավորություններ կային: Դեռ պետք է կիսվեմ, հարցնեմ, այսպես ասած՝ դեռ տաք եմ, չգիտեմ:

Ցուցահանդեսի բացումը եղավ Գրիգոր Նարեկացու «Մատեան Ողբերգութեան» ԼԱ գլխից մեկ հատվածով՝ ճանաչված դերասան Արտաշես Ալեքսանյանի կատարմամբ: Ցուցահանդեսին յուրօրինակ հմայք էին հաղորդում և ամբողջական պատկերը լրացնում Տիգրան Յամասյանի ստեղծագործությունները: Նրա կախարդիչ երաժշտության նրբերանգները, համադրվելով նկարչուհու կտավներում առկա միստիկ մթնոլորտի հետ, ավելի էին ուժեղացնում ազդեցությունը մարդկանց վրա և ստեղծում հաճելի մթնոլորտ արվեստ սիրող ու գնահատող հանդիսականների համար: Ի դեպ, ցուցահանդեսի ընթացքում հնչեց նաև Տիգրան Յամասյանի՝ մինչ այդ չհնչած ստեղծագործությունը, որը նա սիրով տրամադրել է Չառա Մանուչարյանին:

Ցուցահանդեսը բաց է մինչև մայիսի 20-ը: Չառա Մանուչարյանը պատրաստ է սիրով ընդունելու իր «սակրալ տարածք» արվեստասեր հասարակությանը:

Հաղորդավար՝ Մարիաննա Պետրոսյան

Յուրաքանչյուր հինգշաբթի ժ. 15:00-ին (կրկնությունները. հինգշաբթի ժ. 19:00-ին և հինգշաբթի ժ. 22:00-ին)

www.onlineradio.am-ի եթերում «OFF-line թեմա» հաղորդաշարն է՝ **Մարիաննա**

Պետրոսյանի հետ:

Քո թեման՝ «OFF-line»-ում

Ֆեյսբուքյան էջին կարող ես հետևել՝ անցնելով **այս հղումով**

«Օնլայն Ռադիոյի» ֆեյսբուքյան անցուղարձին հետևելու համար **անցիր հղումով** և հավանիր **էջը**

Ջետևիր «Օնլայն Ռադիոյի» եթերին Ֆեյսբուքում

Ջետևիր «Օնլայն Ռադիոյի» եթերին քո բջջայինից